

年燬於地七年知府黃瑜委經應全忠督建時知
縣邱祥以學基不正改遷

文廟面正南正德十年知縣黃寬重修計地深二十七
丈廣十六丈重建明倫堂儀門鄉賢名宦二祠儒
學衙舍三所及饌堂號房祭品庫房嘉靖十年知
縣楊和始建

啟聖祠於廟左建敬一亭於堂後三十二年知縣謝
復生捐俸率邑人楊世榮重修殿廡堂齋號舍移
名宦鄉賢祠於戟門之左右隆慶間署同知郭文
通與知縣熊烈鑿泮池引東門冠溪水入焉建尊

陽春縣志

卷之五

學校

二

經閣於明倫堂後高丈有八尺學前左右建瞻蒙
起鳳二坊置學田以資月課之需萬曆元年造錫
祭器四年署同知蔡懋昭買學前民地以闢雲路
增築泮池闢干架拱橋知縣毛汝起典史黃文莊
捐俸修櫺星門爲柱者六橫架以石改建敬一亭
於學左以置四箴碑凡殿廡堂齋戟門禮門名宦
鄉賢二祠及門外照牆皆修復十五年八月大風
文廟木瓦掀壞殆盡知縣張文誥捐俸葺理如舊又以
四箴亭舊址淺隘移建於尊經閣後泐石記之
正十六年知縣陳軾倡率重修

三聖殿戟門左右名宦鄉賢祠及明倫堂

國朝順治十一年縣學爲僞安西李定國毀壞康熙九年知縣張含瑾修之十四年僞伯馬雄復毀二十五年知縣康善述修之六十一年知縣蘇澎詳請於學前正面建文明門又於

文廟照牆開黌宮門

雍正七年教諭陳世蓮甫到官以殿廡階城多摧朽與知縣黃敷言訓導鄺士佐捐俸率紳士捐修先

至聖殿次兩廡殿前築月臺環以闌干櫺星門及名宦

陽春縣志

卷之五

學校

三

鄉賢二祠竝新之初泮池廣不盈五尺拱橋促隘擴而廣之橫可五丈闌干週遶又以櫺星門外圍牆卑狹左右各擴六尺牆增三尺文明門上建大魁閣高二丈許左右兩門西曰披霞東曰挹翠門外闢青雲路廣一丈長二十餘丈臨溪築橋立坊紀焉九年教諭陳世蓮改建

啟聖祠於尊經閣後大門南向顏曰

崇聖宮左右圍牆聯接聚文樓至嘉慶十八年移祀明倫堂後乾隆二十二年尊經閣朽知縣姜山捐俸重建牆易以磚高廣如舊閣前另築照牆及中

門五十八年教諭顏斯緝倡議集紳士言於知縣
劉子揚將黌宮前學地民房給價撤遷以擴
牆自
宮

至聖殿以下如戟門泮池櫺星門黌宮門悉更基址以
次推擴計展地二丈有奇規模式廓雖修若創名
宦鄉賢二祠明倫堂尊經閣文明門儒林門亦以
次增修文明門外青雲坊前有水一泓曰龍船塘
築長堤其中濶一丈長二十丈許以接雲路建坊
曰雲漢爲章城西南崗背嶺冠溪舊學水匯流入
漢陽江處也創文壇其上九級高七丈許又於儒

陽春縣志

卷之五

學校

四

林門內

聖殿左偏建龍光閣迎文明門樓上魁星像祀焉嘉慶
三年落成董其事者歲貢生李家翰何應祥武舉
藍挺秀監生嚴鵬翔生員鄧錦中也

乾隆十八年頒先賢先儒姓名位次圖式至陽春
正殿

至聖先師孔子位

四配東

復聖顏子

述聖子思子

四配西

宗聖曾子

亞聖孟子

十哲東五位 增有子一推

閔子子雍

冉子仲弓

端木子子貢

仲子子路

卜子子夏

有子子有

十哲西五位 增朱子一位

冉子伯牛

宰子子我

冉子子有

言子子游

顛孫子子張

朱子元晦

東廡 先賢

遠瓊

濬臺滅明

原憲

南宮适

商瞿

漆雕開

司馬耕

巫馬施

陽春縣志

卷之五

學校

五

顏辛

曹卹

公孫龍

秦商

顏高

壤駟赤

石作蜀

公夏首

后處

奚容蒧

顏祖

句井疆

秦祖

縣成

公祖句茲

燕伋

樂欬

狄黑

孔忠

公西蒧

顏之僕

施之常

申枏

左邱明

秦冉

牧皮

公都子

公孫丑

張載

程頤

東廡 先儒

公羊高

孔安國

毛萇

高堂生

鄭康成

諸葛亮

王通

司馬光

歐陽修

胡安國

尹焞

呂祖謙

蔡沈

陸九淵

陳淳

魏了翁

王柏

許衡

許謙

吳澄

王守仁

薛瑄

羅欽順

陸隴其

西廡

先賢

林放

宓不齊

公冶長

公皙哀

高柴

樊須

商澤

梁鱣

冉孺

伯虔

冉季

漆雕徒父

漆雕哆

公西赤

任不齊

公良孺

陽春縣志

卷之五

學校

六

公肩定

鄒單

罕父黑

榮旂

左人郢

鄭國

原亢

廉潔

叔仲噲

公西與如

邾巽

陳亢

琴張

步叔乘

秦非

顏噲

顏何

縣亶

樂正克

萬章

周敦頤

程顥

邵雍

西廡

先儒

穀梁赤

伏勝

后蒼

董仲舒

杜子春

范甯

韓愈

范仲淹

胡瑗

楊時

羅從彥

李侗

張栻

黃幹

真德秀

何基

趙復

金履祥

陳澧

陳獻章

胡居仁

蔡清

崇聖祠

肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啟聖王叔梁公西二室南向

配位東

陽春縣志

卷之五

學校

七

顏氏

無繇

孔氏

鯨

配位西

曾氏

點

孟孫氏

東廡

周輔成

惇頤之父

程珦

顯頤之父

蔡元定

沈之父

西廡

張廸

載之父

朱松

熹之父

學額廩膳生二十名增廣生二十名歲科試各取

進附學生十二名

武生歲試取進十二名

軍籍康熙五十五年奏頒衛所八學額其時陽春
所每歲試取進文武童生各一名科試取進文童
生一名撥入府學並由府學補廩出貢雍正三年
所官奉裁其軍屯所學額一名雍正十三年撥歸
府學

學地明萬曆六年海防同知蔡懋昭助買民地一
段左界梅宅右界軍地後大街前抵城脚直六十
一步橫四丈建監牌坊扁曰雲路崇正八年教諭
梁梅鼎以學前陝隘欲闢雲路兩旁大厥觀築
員張宏化等集議請於縣以學東餘地與梁梅
陽春縣志
卷之五
學校

易學前左民地一段又以學西餘地與梁梅
學前左民地一段並右側民地一小段共地四
丈五尺有奇建坊後廢其地聽民葺屋茂和堂
國朝乾隆五十八年興修

文廟盡買學前民房清釐舊址自 宮牆直至城
西二十六弓文明門外兩旁小屋一並給價
俱永遠不得蓋造舖屋五十九年龍船塘新
雲路及路南牌坊地東西十二弓半南北二
弓為監生陳世業兄弟義送

學後之東自五循祠前水關直至大街八十八

凡藩以內至儒林門新蓋民房側地等後之西
自書院右圍牆外橫十五弓直五應在坊後學地
西齋前西廡後地一段現係劉姓承租 官籍戶
側官街旁橫五弓直至城脚現係吳周二姓承租
學田明隆慶五年耆老伍賢送田十九畝三分零
該米一石五斗八升五合零今丈過稅米九十二
畝八分零官民米三石二斗九升八合四勺二抄
歲收租穀一百二十石與吳均作天地二號管
佃甲麥引鳳又六年夏知縣熊烈置黎宅田三十
八畝四分原稅米一石二斗三升四合零今丈
稅七十一畝七分九釐零米一石六斗四升九合
二勺零原租穀六十三石後增七十石內存十二石
納糧佃甲張士明以上二租爲本學會饋之資又
萬曆十三年知縣黃憲清申嶺西道王泮撥黃區
絕戶黃裳田稅四頃三十六畝四分零米一十三
石五斗二升二勺零歲收租穀五百八十四石五
斗四升俱詳先作爲學田歲租除抵糧外悉充
生燈油之費

國朝順治十年陸續收水蕉尾潭四石半稅並
山大岡寨五處稅米五石八斗五升四合

現徵米二十四石三斗二升二合一勺乾隆二十三年知縣姜山重修縣志時訓導阮大材覆稱租穀除拋荒減少外實五百三十石除奉撥四百石歸縣支納糧餉外尚存赤籬崩石山口獨石石窟漁田潭西水蔗尾牛輓曲九莊共租一百三十石經縣詳咨存留在學

書院附

今之瑞雲書院昔之育英堂也明萬曆十二年知縣張文誥捐俸同教諭羅兆琪集諸生捐金買資姓地建育英堂於學後

陽春縣志

卷之五

學校

十

國朝康熙二十五年知縣廉善述貢生楊公俊倡議創飛雲樓於堂前就馬路作基高出城堞以廣肄業之區亦爲學後之鎮遂更育英堂爲聚文樓後牆開月門以達飛雲樓厥後聚文樓漸朽雍正五年飛雲樓亦塌教諭陳世蓮集紳士以飛雲樓之材補葺聚文樓而更其名曰瑞雲書院初瑞雲書院祇有頭門及文昌樓閣數十年日就傾圮唯文昌樓牆壁僅存嘉慶十年知縣李永壽倡捐修復文昌樓其頭門亦將鳩工以繼於費而止十八年知縣王鵬翥復倡修以

崇聖宮在書院前與

文廟不屬弗便於祀事且體制未崇爰將尊經閣改建崇聖宮而以其地增建書院堂楹有加廊廡周匝視前爲廣且遂焉歲貢生李家翰何廷贊生員鄧錦中實董其事

膏火一詳奉撥充共銀二十四兩一錢五分零一春風官戶銀十四兩五分零一閑盛祖戶銀四兩一錢二分零一岑石安戶銀四兩一錢八分零一竹垞官租銀一兩八錢

陽春縣志

卷之五

學校

二

右租銀竝自乾隆二十三年以後歷縣所撥溢租荒租錢銀數目俱存縣房冊遞年俱由縣署核收送瑞雲書院爲膏火之費

嘉慶二十五年知縣陳懷彥捐廉買荔枝林寨租錢七千以充膏火

王公書院在倉邊巷常平倉西雍正九年知縣王博厚捐俸買生員柯一震屋地建以館諸生爲屋二進深五丈五尺廣二丈八尺置義田三十餘石以充膏火今室宇猶存其租向係書院收管輸納今日嘉慶十九年邑衆議撥併五循祠收輸以充膏火
遞年春秋二季添設忠孝節烈二祠祭費

